

# INUIT ATAQATIGIIT

## INATSISARTUNI



UKA2022/86

Ulloq saqqummiivik: 19.oktober.2022

Illit atit: Mariane Paviaisen

**Siunnersuutip qulequtaa Inatsisartut nittartagaaniittooq.**

**Immiaaqqaat imeruersaatillu kulsyrimik akullit Kalaallit Nunaanni puujaasat dans-illu angissutsit assigiinngitsunik tuniniarneqarsinnaanngorlugit puui pillugit nalunaarusiaq1 allanngortinnerasigut Naalakkersuisut qulakkeerinninnissaat pillugu Inatsisartunut aalajangiiffigisassaattut siunnersuut. Utertitsisarnermut aaqqissuussami puujaasat dans-illu ilaasinnaassapput. Siunnersummik akuersereernerup kingorna sukkannerpaamik allannguisoqassaaq – kingusinnerpaamilli 1. januar 2024.**

(Inatsisartunut Ilaasortaq Jens-Frederik Nielsen, Demokraatit)

Inuit Ataqatigiit sinnerlugit siunnersuuteqartoq qutsavigaarpuit.

Dås-it kalaallisut Qillertuusanik taaguuteqarput, Liberal-iseeriineq ammanerulersitsinermik oqaasileriffimmiit taaguuserneqarsimavoq oqaatillu taakku atorlugit siunnersuuteqartumut akissuteqarniaratta paatsoortoqannginnissaa anguniarlugu nassuaatigilaappaarparput, aamma maani inersuarmi piumaffigineqarnerput aallaavigalugu oqaatsigut atoqqullugit tamanna ataqqillugu akissuterput allapparput.

Siunnersuuteqartup anguniarpaa ernguseeqqat qillertuusat puukuunik utertitsisalernissamik ingerlatsilissasugut, taassumallu piaartumik atuutilernissaa angunialugu siunnersuutigaa, Inuit Ataqatigiinni qularutigineqanngilarput atoqqiinnissamut utertitsisarnermik aaqqissuussineq tassaasoq isumassarsialatsialak, pinngortitamut avatangiisimullu annertuumik iluaqutaasussaq.

# INUIT ATAQATIGIIT

## INATSISARTUNI



Siunnersuut nutaarsiassaanngilaq suliap 2004-imili ingerlanera ilisimavarput, siunnersuuteqartullu aamma nammineq siunnersummini allassimavaa Naalakkersuisut misissuinermk ingerlatsererlutik ukioq manna nalunaarusiaminnik naammassinnissasut, ilisimavarpullu nalunaarusiat naammassinerisa kingunerisaraa Nalunaarusiapiq oqariartuutaannut naleqquttumik ingerlatsinerup allannguuteqartarnera, tamannalumi aamma Naalakkersuisut suliarisimassagaat naatsorsuutigalugu, oqarusuppugulli Inuit Ataqatigiinniit utaqqikatanneq aamma misigigatsigu, nuannaarutigaarpulli maanna killiffeqaratta ingerlariaqqiffissaq uaneralaamiittumik oqarsinnaagatta, Naalakkersuisummi nalunaarusiami toqqammavissaqalernertik, sukkannerusumillu suliap siuariartornissaa naatsorsuutigimmassuk, ukiorlu manna tigussaasumik isumaqatigiittoqarnissaannik kissaateqarlutik oqaatigereerpaat.

Aningaasanut inatsisissatut 2023-mut atuuttussatut siunnersummi puaasanik utertitseriaaseq nutaamik aaqqissuusseqqinniartoqarnera allassimareerpoq, imalu ersaritsigereerluni allaat puaasanik eqqussuinerup akitsuutit atuuttut allangortinneqarnerisigut akigitinneqartut atuisartunut iluaqtaalersussamik pilersaartut, aammalu nunatta karsianut isaatitsinerulersitsisinnaanera ilimasaarutigineqarlni tamannalu 2025-miit utertitseriaaseq nutaaq atuutilersinneqarumaartoq.

Eqqakkanut iliuusissatut pilersaarummi 2020-miit 2031-mut atuuttumi pilersaarutigineqarpoq 2023-mut anguniagassatut pilersaarutit immikkoortumi 3.1-mi eqqakkanik atueqqittarnermut atoqqiisarnerlu annertusarneqartussaasumik pilersaaruteqarneq isumalluarnartutut oqaatigissavarput, neriuppugullu Naalakkersuisut maanna pilersaarut malillugu ingerlasut, maannakkummi 2022-mikkatta pilersaarutini assigiinnngitsuni killifinnik tusartinneqarnissarput, qilanaaraarput.

# **INUIT ATAQATIGIIT**

## **INATSISARTUNI**



Inuit Ataqatigiinniit pinngortitap paarilluarnissaa pingaarteqaarput, neriuppugullu eqqakkanut ajornartorsiuteqarneq sinerissami annertoqisoq iluarsiivigineqarnissaannut Naalakkersuisut kommuninik suleqateqarluartik ingerlatsisimassasut, pisariartipparpummi piaartumik aaqqiisoqarnissaa.

Puiaasaaqqat/Ernguseeqqat qillertuusat kisiisa pinnagit puiaasat plastikkiusut nunatsinni aamma takussaalluaqisut utertinneqarsinnaanissaat periarfissarsiuunneqartariaqartoq isumaqarpugut, taakkumi nunatsinni atoqqinneqarneq ajoraluarlutik danskit nunaanni atoqqinneqarsinnaasarput, taamaammat taakku ilanngulligit suliap ingerlanneqarsimanissaa neriutigaarput.

Aningaasaqarnikkut ingerlatsineq pillugu nalunaarusiami 2022-mi saqqummersinneqartumi atuarsinnaasatsinni saqqummerpoq siunnersuutip uumap siusinnerusukkulli soorlu qulaanni taariikkatsitut suliarineqalereersimasoq, misissuinerit ingerlanneqareersimasut aammalu suliap killiffia maanna ima siuarsimatigilereersimasoq naatsorsuutigisariaqaripput siunissami ungasinngitsumi inaarutaasumik aalajangiinissamut tunngavissaqalissalluta.

Suliaq ingerlalluareersoq uumap siunnersuutip akuerineratigut kinguarsaanissaq inissaminiinngitsutut oqaatigissavarput,

Taamaammat suliaq ingerlareersoq siuarsimareersorlu pillugu siunnersuuteqartup aamma ilisimaarereerpasimmagu siunnersuut una tapersinngilarput, taamaammat allannguutissatut siunnersuuteqarniarpugut imaalillugu:

**Imeruersaatit assigiinngitsut puukuunik plastikkiuppata,  
qillertuusaappata, igalaaminiuppata apeqqutaatinnagu  
utertitsisalernissaq anguniarlugu Naalakkersuisut nalunaarutikkut**

# INUIT ATAQATIGIIT

## INATSISARTUNI



**periarfissanik      pitsaasunik      kingusinnerpaamik      2023-mi  
saqqummiusseqqullugit      peqquneqarnissaannik      Inatsisartut  
aalajangiiffigisassaattut siunnersuut.**

Taamaalillugu    avatangiisinut    eqqissisimatitsinermullu    ataatsimititaliamut  
suliassanngortipparput.

Qujanaq.